

Na osnovu Zaključka Predsjedništva Bosne i Hercegovine, broj: 01-50-1-449-42/24 od 21. februara 2024. godine, usvojenog na 11. redovnoj sjednici Predsjedništva, održanoj 21. februara 2024. godine i u skladu sa Odlukom o postupku kandidovanja i imenovanja međunarodnih predstavnika Bosne i Hercegovine u međunarodnim organizacijama i institucijama („Službeni glasnik BiH“, broj 66/08) Ministarstvo vanjskih poslova Bosne i Hercegovine

o b j a v l j u j e:

## **JAVNI POZIV**

### **Za prijavu kandidata iz Bosne i Hercegovine na pozicije u Vijeću Europe i OSCE:**

#### **01. Europsku komisiju za borbu protiv rasizma i netolerancije (ECRI);**

(Europska komisija za borbu protiv rasizma i netolerancije (ECRI) je tijelo Vijeća Europe, u čijoj nadležnosti je borba protiv rasizma, ksenofobije, antisemitizma i netolerancije u Europi i jedan je od mehanizama za zaštitu ljudskih prava i sloboda.)

#### **02. Savjetodavni odbor Okvirne konvencije za zaštitu nacionalnih manjina;**

(Savjetodavni odbor je nezavisna stručna komisija, odgovorna a procjenu sprovođenja Okvirne konvencije za zaštitu nacionalnih manjina u državama članicama Vijeća Europe. Rezultati ove procjene sastoje se o detaljnih mišljenja, za pojedine zemlje, koja se usvajaju nakon postupka nadgledanja.)

#### **03. Europski komitet za sprječavanje mučenja i neljudskog ili ponižavajućeg postupanja ili kažnjavanja (CPT);**

(Komitet, putem posjeta osobama lišenim slobode, ispituje kako se prema njima postupa sa ciljem da, ukoliko je potrebno, poveća zaštitu tih osoba od mučenja i neljudskog ili ponižavajućeg ponašanja ili kažnjavanja.)

#### **04. Europsku komisiju za demokratiju putem prava (Venecijanska komisija)**

(Venecijanska komisija je savjetodavno tijelo Vijeća Europe, koje pruža pravnu pomoć državama članicama VE, radi postizanja europskih pravnih i institucionalnih standarda u segmentima demokracije, ljudskih prava i vladavine prava. Na zahtjeve zemalja članica, Venecijanska komisija daje odgovore, preporuke i mišljenja.)

#### **05. Sudac u ime Bosne i Hercegovine u Europskom sudu za ljudska prava**

(Europski sud za ljudska prava je sudska institucija Vijeća Europe, utemeljena 1959. godine, za zaštitu prava i sloboda, koje se garantiraju Europskom konvencijom o ljudskim pravima iz 1950. godine. Sudci u Europskom sudu za ljudska prava imenuju se na mandat od devet godina, bez mogućnosti obnavljanja mandata.)

## **06. Predstavnike i njihove zamjenike u OSCE Sudu za povjerenje i arbitražu**

(Sud za pomirenje i arbitražu, sa sjedištem u Ženevi, je mehanizam Organizacije za evropsku sigurnost i saradnju (OSCE), kojim se omogućava mirno rješavanje sporova između država. Njegov rad se zasniva na Konvenciji u okviru OSCE-a o pomirenju i arbitraži. Svaka država, članica Konvencije, može nominovati 2 (dva) miritelja i jednog arbitra i jednog zamjenika. Članstvo u Sudu ne podrazumjeva zasnivanje radnog odnosa, ne isključuje radni odnos u Bosni i Hercegovini ili inozemstvu, osim u slučajevima sukoba nadležnosti ili nespojivosti funkcija. Bosna i Hercegovina ne snosi troškove u vezi sa članstvom i funkcijom u Sudu.)

**Podnosioci prijava pod rednim brojem 01. do 05. moraju ispunjavati sljedeće opće uvjete:**

- Da su državljani Bosne i Hercegovine;
- Da se ne vodi krivični postupak protiv njih i da nisu ranije osuđivani;
- Da imaju, minimalno, visoku stručnu naobrazbu;
- Da aktivno vladaju jednim od službenih jezika Vijeća Europe (engleski ili francuski);
- Da nisu obuhvaćeni odredbom člana IX 1. Ustava Bosne i Hercegovine

**Podnosioci prijava pod rednim brojem 06. moraju ispunjavati sljedeće opće uvjete:**

- Da su državljani Bosne i Hercegovine;
- Da se ne vodi krivični postupak protiv njih i da nisu ranije osuđivani;
- Da imaju, minimalno, visoku stručnu naobrazbu;
- Da aktivno vladaju engleskim jezikom;
- Da nisu obuhvaćeni odredbom člana IX 1. Ustava Bosne i Hercegovine

**Podnosioci prijava za pozicije navedene pod rednim brojem 01. do 05. moraju ispunjavati i posebne uvjete:**

**Za poziciju, navedenu pod rednim brojem 01.**

Prijavljeni kandidati moraju posjedovati odgovarajuće stručno znanje i iskustvo u oblasti borbe protiv rasizma i netolerancije; da su visokog moralnog ugleda, priznati ekspertu i aktivisti u oblasti poštivanja i zaštite ljudskih prava i koji su svojim doprinosom, kao nezavisni i nepristrasni stručnjaci, stekli ugled u borbi protiv rasizma, rasne diskriminacije, ksenofobije, antisemitizma i netolerancije, u skladu sa Statutom Evropske komisije protiv rasizma i netolerancije.

**Za poziciju, navedenu pod rednim brojem 02.**

Prijavljeni kandidati moraju biti visokog moralnog ugleda, eksperti sa najvišim integritetom, sa odgovarajućim iskustvom u oblasti zaštite nacionalnih manjina, koji su ugled stekli svojim doprinosom u razvoju demokracije, poštivanja i zaštite ljudskih prava, u skladu sa Rezolucijom Komiteta ministara Vijeća Europe Res(97)10, da su nezavisni i nepristrasni u obavljanju svojih dužnosti.

#### **Za poziciju, navedenu pod rednim brojem 03.**

Prijavljeni kandidati moraju posjedovati odgovarajuće stručno znanje i iskustvo, visok moralni ugled, priznati stručnjaci različitih profila, uključujući pravnike, ljekare, specijaliste za zatvorsku ili policijsku oblast, koji su svojim radom stekli ugled u struci kojom se bave, u skladu sa Rezolucijom Vijeća Europe (1248)2001, da su nezavisni i nepristrasni u obavljanju dužnosti.

#### **Za poziciju, navedenu pod rednim brojem 04.**

Prijavljeni kandidati moraju biti osobe sa visokim moralom, u skladu sa odredbama člana 2. stav 1. Revidiranog statuta Venecijanske komisije, da su ugledni pravni stručnjaci, eksperti u oblasti unutarnjeg, međunarodnog ili ustavnog prava, koji su stekli ugled u razvoju i demokratizaciji institucija, da su nezavisni i nepristrasni stručnjaci, koji su se dokazali u pravnoj oblasti zaštite ljudskih prava.

#### **Za poziciju, navedenu pod rednim brojem 05.**

Prijavljeni kandidati moraju da posjeduju minimalno visoku stručnu naobrazbu – Pravni fakultet; biti visokog moralnog ugleda i mora posjedovati ili kvalifikacije potrebne za obnašanje visokih sudskih funkcija ili biti osoba priznate stručnosti u oblasti unutarnjeg ili međunarodnog prava; da posjeduju radno iskustvo u oblasti zaštite ljudskih prava i osnovnih sloboda, razvitka demokracije i vladavine prava; da ne obavljaju rukovodeću dužnost u organima BiH.

#### **Uz prijavu na Javni poziv, kandidati moraju priložiti sljedeće dokumente (ovjerenu kopiju):**

- Biografiju, na jednom od službenih jezika BiH, sa kontakt podacima (broj telefona, e-mail, adresa, prebivalište)
- Biografiju, na jednom od službenih jezika Vijeća Europe (pozicije od 01. do 05.);
- Biografiju, na engleskom jeziku (pozicija 06.);
- Dokaz o završenoj stručnoj spremi ili nostrificiranu diplomu, ukoliko je fakultet završen izvan BiH, nakon 1992. godine;
- Dokaz o radnom iskustvu u navedenim oblastima;
- Uvjerenje o aktivnom znanju engleskog ili francuskog jezika- nivo C1 (pozicije od 01. do 05.);

- Uvjerenje o aktivnom ili pasivnom znanju drugog jezika;
- Uvjerenje o državljanstvu, ne starije od šest mjeseci;
- Uvjerenje o nevođenju krivičnog postupka, ne starije od tri mjeseca;
- Uvjerenje o neosuđivanosti, ne starije od tri mjeseci
- Izjava ovjerena kod nadležnog organa da kandidat nije obuhvaćen odredbom člana IX 1. Ustava Bosne i Hercegovine

Podnosioci prijava, u pisanoj formi, pored ostalog, trebaju da navedu i motiv podnošenja prijave na Javni poziv, te obrazloženje zbog čega smatraju da su osobe koje mogu obavljati naprijed navedene poslove, te da navedu iskustva iz oblasti prava, ljudskih prava i razvoja demokracije. Prijava mora biti svojeručno potpisana.

Dostavljene prijave, sa kompletnom traženom dokumentacijom, bit će proslijeđene Predsjedništvu Bosne i Hercegovine na dalje postupanje.

**O prijavljenim kandidatima, od strane Bosne i Hercegovine (pozicije od 01. do 04.) odlučuje Predsjedništvo Bosne i Hercegovine, u skladu sa svojim ustavnim ovlaštenjima.**

**Predsjedništvo Bosne i Hercegovine, u skladu sa svojim ustavnim ovlaštenjima, vrši odabir kandidata iz BiH i predlaže tri kandidata za njihovu nominaciju za poziciju sudca u ime Bosne i Hercegovine (pozicija 05.). Konačnu odluku o imenovanju sudca u ime Bosne i Hercegovine u Europskom sudu za ljudska prava donosi Parlamentarna skupština Vijeća Europe.**

**Predsjedništvo Bosne i Hercegovine, u skladu sa svojim ustavnim ovlaštenjima, vrši odabir četiri kandidata iz BiH (2 miritelja, jednog arbitra i jednog zamjenika arbitra) (pozicija 06.) i predlaže njihovu nominaciju u Sud za pomirenje i arbitražu. Konačnu odluku o imenovanju nominovanih kandidata iz BiH donosi Biro Suda, u skladu sa Pravilnikom o osoblju, koji usvajaju države potpisnice Konvencije.**

Javni poziv se objavljuje na web stranici Ministarstva vanjskih poslova Bosne i Hercegovine i u tri domaća sredstva javnog informiranja koja su dostupna na cijeloj teritoriji Bosne i Hercegovine.

**Rok za podnošenje prijava kandidata je petnaest (15) dana od dana objavljivanja Javnog poziva.**

Prijave na Javni poziv, sa kompletnom dokumentacijom, potrebno je dostaviti neposredno li putem pošte, preporučeno, na adresu: **Ministarstvo vanjskih poslova Bosne i Hercegovine; ul. Musala 2; 71000 Sarajevo, sa obaveznom naznakom „Javni poziv – Vijeće Europe/OSCE“.**

Nepotpune i neblagovremene prijave neće se uzeti u razmatranje.